

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-260/07  
Sarajevo, 02.04.2007. godine

## Z A P I S N I K

### 1. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 02. aprila 2007. godine

Sjednica je počela u 11.41.

Sjednici je predsjedavao Stjepan Krešić, predsjedavajući Doma naroda Parlamenta Federacije BiH.

Predsjedavajući je pozdravio delegate, premijera Nedžada Brankovića, zamjenike premijera i ministre u Vladi Federacije BiH čestitajući im na izboru. Također je pozdravio predstavnike Saveza demobiliziranih branilaca Armije Bosne i Hercegovine Mehmeda Šišića, Udruženja umirovljenih i razvojačenih branitelja Hrvatskog vijeća obrane Ivana Jurčevića, predstavnike invalidskih organizacija, predstavnike Međunarodne zajednice i predstavnike akreditiranih medijskih kuća koji prate rad sjednice.

Na osnovu evidencije Stručne službe, predsjedavajući je konstatovao da sjednici prisustvuje 47 delegata, što čini većinu, te Dom naroda može raditi i punovažno odlučivati.

Predsjedavajući je obavijestio delegate da je Vlada Federacije BiH dostavila Prijedlog Budžeta Federacije BiH za 2007. godinu i Prijedlog Zakona o izvršavanju Budžeta Federacije BiH za 2007. godinu sa prijedlogom da se razmatraju po hitnom postupku.

Delegati su konstatovali da su povrijeđene odredbe Poslovnika o radu Doma naroda jer su im prijedlozi dostavljeni pred početak sjednice i već su razmatrani u formi nacrtu, tj. u redovnoj proceduri. U vezi s tim premijer je objasnio da je razmatranje po hitnom postupku predloženo zbog mogućnosti ulaganja amandmana.

Potom je predsjedavajući zamolio delegate da se izjasne o razmatranju ovih akata po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 31 glasom za, uz četiri glasa protiv i uz

šest uzdržanih glasova, prihvatio da se Prijedlog Budžeta Federacije BiH za 2007. godinu razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 35 glasova za, uz četiri glasa protiv i uz pet uzdržanih glasova, prihvatio da se Prijedlog Zakona o izvršavanju Budžeta Federacije BiH za 2007. godinu razmatra po hitnom postupku.

S obzirom na to da nije bilo prijedloga za izmjenu i dopunu predloženog dnevnog reda predsjedavajući je konstatovao da su delegati, sa 45 glasova za, uz jedan glas protiv i uz dva uzdržana glasa, usvojili sljedeći:

## **D N E V N I R E D**

1. Prijedlog Budžeta Federacije BiH za 2007. godinu - hitni postupak,
2. Prijedlog Zakona o izvršavanju Budžeta Federacije BiH za 2007. godinu - hitni postupak.

### **1. Prijedlog Budžeta Federacije BiH za 2007. godinu - hitni postupak**

Prijedlog Budžeta dostavila je Vlada Federacije BiH.

Uz Prijedlog Budžeta dostavljeni su: Plan razvojnih projekata u Federaciji BiH - finansirani iz ino-kreditnih i donatorskih sredstava, Finansijski plan Zavoda zdravstvenog osiguranja i reosiguranja Federacije BiH za 2007. godinu, Finansijski plan Federalnog zavoda za zapošljavanje za 2007. godinu i procjena Plana za 2008. i 2009. godinu i Finansijski plan Federalnog zavoda za penzijsko i invalidsko osiguranje za 2007. godinu.

Predstavnički dom je na 5. vanrednoj sjednici, održanoj 30.03.2007. godine, usvojio Prijedlog Budžeta Federacije BiH za 2007. godinu sa dva amandmana koje je Vlada Federacije BiH prihvatila pa su postali sastavni dio Prijedloga Budžeta.

#### **Amandman I**

“Sa pozicije 611000 – Plaće i nakanade troškova zaposlenih – umanjiti iznos za 20.000.000 KM, sa pozicije 613000 – Izdaci za materijal i usluge – umanjiti iznos za 10.000.000 KM i ta sredstva prebaciti na poziciju IV – Deficit – (član 1.) koji će se umanjiti za iznos od 30.000.000 KM.”

#### **Amandman II**

“U Budžetu Federacije BiH za 2007. godinu u razdjelu 15. glava 1503. – Federalna komisija za nestale – ekonomski kod 614000 – Tekući grantovi – pozicija 614100 – Transfer za ukop ekshumiranih – umjesto iznosa od 1.000.000 KM treba pisati iznos od 1.250.000 KM, a na poziciji 614200 – Transfer za ekshumacije – umjesto iznosa od 1.250.000 KM treba pisati iznos od 1.000.000 KM.”

Također, Predstavnički dom je prilikom usvajanja Budžeta usvojio i Zaključak.

Prijedlog Budžeta razmatrao je Odbor za ekonomsku i razvojnu politiku, finansije i budžet i dostavio Izvještaj.

Prijedlog Budžeta obrazložio je premijer Nedžad Branković upoznavši delegate da je nakon sjednice Predstavničkog doma Vlada Federacije BiH održala svoju vandrednu sjednicu na kojoj je razmatrala podnesene amandmane i utvrdila konačan Prijedlog Budžeta za 2007. godinu.

Premijer je obavjestio delegate da su se u Prijedlogu Budžeta potkrale **tri tehničke greške** koje se odnose na tri transfera tako da:

- za obnovu voznog parka RVI umjesto iznosa od 2.000.000 KM treba pisati iznos od 3.000.000 KM;
- u transferu za dobitnike najvećih ratnih priznanja umjesto iznosa od 15.000.000 KM treba pisati iznos od 17.000.000 KM;
- u transferu za Ministarstvo obrta i poduzetništva umjesto iznosa od 4.000.000 KM treba pisati iznos od 7.000.000 KM.

Zbog velikog broja podnesenih amandmana na Prijedlog Budžeta premijer je izjavio da će oni predstavljati osnovu za izradu rebalansa Budžeta.

Na Prijedlog Budžeta amandmane su podnijeli: Radoje Vidović jedan amandman, Anto Bilić jedan amandman, Stjepan Krešić jedan amandman, Saša Magazinović jedan amandman, Svetozar Pudarić tri amandmana, Lidija Bradara šest amandmana, Milenko Bandur jedan amandman, Josip Perić dva amandmana i Drago Puzigaća tri amandmana.

Josip Perić, predsjednik Kluba delegata hrvatskog naroda, izjavio je da je amandmane hrvatskih delegata Klub prihvatio kao svoje.

U pretresu su učestvovali: Besim Imamović - ispred Odbora za ekonomsku i razvojnu politiku, finansije i budžet, predsjednica Kluba delegata srpskog naroda Mira Ljubijankić, predsjednik Kluba delegata bošnjačkog naroda Jasenko Tufekčić, predsjednik Kluba delegata hrvatskog naroda Josip Perić, Saša Magazinović, Svetozar Pudarić, premijer Nedžad Branković, Elvira Abdić-Jelenović, Zoran Budimić, Mislav Sučić, Muhamed Osmić, Lidija Bradara, Asim Mekić, Sead Čaušević, Tomo Vidović, Denis Zvizdić, Drago Puzigaća i Besim Imamović.

Nakon zaključenja pretresa Domu naroda su se obratili predstavnik Saveza demobiliziranih branitelja Armije Bosne i Hercegovine Mehmed Šišić i predstavnik Udruženja umirovljenih i razvojačenih branitelja Hrvatskog vijeća obrane Ivan Jurčević.

Nakon što je premijer Nedžad Branković zamolio delegate da usvoje Prijedlog Budžeta u tekstu kako ga je usvojio Predstavnički dom od amandmana su odustali Drago Puzigaća i Klub delegata hrvatskog naroda.

S obzirom na to da Svetozar Pudarić i Saša Magazinović nisu odustali od svojih amandmana predsjedavajući ih je dao na glasanje.

Amandmani Svetozara Pudarića nisu prihvaćeni, jer je za Amandman I glasalo devet delegata, za Amandman II devet delegata, a za Amandman III deset delegata.

Ni amandman Saše Magazinovića nije prihvaćen jer je za njega glasalo deset delegata.

Potom je predsjedavajući dao na glasanje Prijedlog Budžeta.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 35 glasova za, uz osam glasova protiv i uz dva uzdržana glasa, usvojio Prijedlog Budžeta Federacije BiH za 2007. godinu.

## **2. Prijedlog Zakona o izvršavanju Budžeta Federacije Bosne i Hercegovine za 2007. godinu**

Prijedlog Zakona dostavila je Vlada Federacije BiH.

Predstavnički dom je na 5. vanrednoj sjednici, održanoj 30.03.2007. godine, usvojio Prijedlog Zakona o izvršavanju Budžeta Federacije BiH za 2007. godinu u tekstu kako ga je predložila Vlada Federacije BiH.

U pretresu su učestvovali Igor Rajner i premijer Nedžad Branković.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 36 glasova za, uz dva glasa protiv i uz šest uzdržanih glasova, usvojio Prijedlog Zakona o izvršavanju Budžeta Federacije BiH za 2007. godinu.

\* \* \*

Sjednica je završena u 15.52.

Magnetofonski snimak sjednice i prijepis snimka sjednice čine sastavni dio Zapisnika.

SEKRETAR

Izmir Hadžiavdić

PREDSJEDAVAJUĆI

Stjepan Krešić